

SCRIPT OF EVENING GOJRI NEWS BULLETIN 14APRIL 2025

1700HRS

اونینگ گو جری نیوز بلیٹن مورخہ 14 اپریل 2025

یوہ آکا شوانی جموں ہے نصرت تے محمد سفیر تیں خبر سنو۔

HEADLINES

۱۔ وزیر اعظم نریندر مودی نے اظہار کیو ہے جے بابا صاحب گا نظریات حکومت کی روح گی رہنمائی کرے۔

۲۔ جموں کشمیر نے اج ڈاکٹر بھیم راؤ امبیدکر نانہہ اُن غا جنم تہاڑا ور خراج عقیدت پیش کیو۔

۳۔ وزیر داخلہ امت شاہ نے کہیو ہے جے ۳ نواں فوجداری قانون ۱۲ ویں صدی کی سب تیں بڑی اصلاحات ہیں۔

۴۔ اقوام متہدہ سلامتی کونسل مانہہ بھارت کی مستقل نشست واسطے روس نے حمایت گو اعلان کیو ہے۔

۵۔ بھارت لیزر گی کرن غے زریعے ہُن فکسڈ ونگ طیارہ نانہہ مار گران کی صلاحیت رکھن آلو چوتھو ملک بن گیو ہے۔

PM HARYANA

وزیر اعظم نریندر مودی نے ہریانہ غا ا ہسار مانہہ عوامی جلسہ تیں خطاب کرتا واں کہی وکہ بابا صاحب امبیدکر غا اصول حکومت غا اہر فیصلہ غی بنیاد ہے گزشتہ ۱۱ براں تیں حکومت ہر قدم ور انصاف غی شمولیت تے وقار گا رستہ ور بدھ رہی ہے جہیرو بابا صاحب نے دسیو ہے وزیر اعظم نے کہی وکہ پسماندہ طبقات خواتین تے قبائلیاں غی زندگی نانہہ بدلنو حکومت غو مشن ہے۔ انہاں نے بابا صاحب غو مشن غا ا جنم تہاڑا نانہ دلت محروم تے پسماندہ طبقات واسطے دیولی قرار دتو۔ وقف قانون مانہہ حالیہ تبدیلیاں ور کہیو کہ یوہ غریب مسلمان گ احق مانہہ ہے تے قبائلی زمیناں نانہہ تحفظ دے گی۔ یوہ قدم اُن بیواں غی درکواست ور چایو گیو ہے جنہاں نے حکومت نانہہ خط لکھیا تھا۔ اس تیں پہلاں وزیر اعظم نے ہسار تیں ایودھیہ واسطے کمرشل فلائیٹ یعنی تجارتی پرواز غو افتتاح کیو ہے تے ہسار ہوائی اڈہ ور نوا ٹرمینل ۲ غی بنیاد رکھی۔

AMBEDKAR JAYANTI

قوم اج بھارتی آئینگا معمار ڈاکٹر بھیم راؤ امبیدکر نانہہ اُن گا ۱ سو ۴۳ واں جنم تہاڑا گا موقع ور خراج عقیدت پیش کر رہی ہے۔ اس سلسلہ مانہہ ملک بھر مانہہ رنگ برنگا پروگرام وی منعقد کیا گیا یاد رہ جے امنیدکر جنتی منان گا سلسلہ مانہہ صدر جمہوریہ درویدی مرمو نائب صدر جگدیپ دھنکڑ وزیر اعظم نریندر مودی لوکسبھا سپیکر اوم برلا راجیہ سبھا گا ڈپٹی چئیر مین ہری ونش راجیہ سبھا ایوان گا لیڈر جے پی نڈا راجیہ سبھا مانہہ حزب اختلاف گاربنا ملک ارجن کھڑگے لوک سبھا مانہہ حزب اختلاف گا لیڈر رابول گاندھی مرکزی وزرا تے ممبران نے پارلیمنٹ مانہہ عوام گے ہمراہ بیم راؤ امبیدکر گا مجسمہ ور پُج گے انہاں نانہہ خراج عقیدت پیش کیو۔

AMBEDKAR JAYANTI J&K

اج ڈاکٹر بی آر امبیدکر غو ۴۳۱ ووں جنم تہاڑو بے جنہاں نانہہ بھارت آئین بنان مانہہ اہم کردار ادا کیو تھو یوہ تہارو جموں کشمیر مانہہ وی جوش و خروش سنگ منایو جے۔ مختلف سیاسی تے سامجی تنظیمان غا لوکان نے اُنہاں نانہہ خراج عقیدت پیش کیو مرکزی تقریب جموں گا امبیدکر چوک مانہہ منعقد ہوئی جت لوکان نے حُب الوطنی غا گیت تے حوصلہ افزائی تقریراں غے نال اُنہاں نانہہ یاد کیو۔ لیفٹیننٹ گورنر منوج سنہا تے وزیر اعلیٰ عمر عبداللہ نے وی ڈاکٹر بی آر امبیدکر غا جنم تہاڑا ور عوام نانہہ مبارک باد دتی۔ لیفٹیننٹ گورنر نے اپنا پیغام مانہہ کہو کہ بابا صاحب نے بھارت غی تقدیر سوارن مانہہ ہم کردار ادا کیو ہے تے ماری قومی زندگی ور گہرو اثر چھوڑیو ہے اُنہاں نے کہی وکہ اس تہارا ور ہم نانہہ با با صاحب غا اعلیٰ اصولان نانہہ اپنان غو عہد کرنو چاہیے تے مل غے ایک ایسو معاشرہ بنائو چاہیے جہیرو برابری انصاف انسانیت اعتماد رواداری تے باہمی تعاون ور مبنی وے۔

AMBEDKAR KATHUA

بھارتی آئینگا معمار بھیم راؤ امبیدکر کی جنتی گا موقع ور روی داس سبھا کٹھوہ مانہہ اُنہاں نانہہ خراج عقیدت پیو کیو گیو۔ اس تقریب گو انعقاد گرو روی داس کمیٹی تے بدھ مہا سبھا گا اشتراک سنگ کیو گیو اس موقع ور کئی لوکان نے آئین کی قدران تے برابری گا حقوق بارے خیالات گو اظہار کیو۔ اس موقع ور بولتا وان سوشیل گپتا لوک ناتھ تے اشر داس نے اس طرح کہیو۔

AMBEDKAR SAMBA

بھارت رتن ڈاکٹر بھیم راؤ امبیدکر گا ۴۳ سو ۱ وان جنم تہاڑا مانن گا سلسلہ مانہہ ضلع سانہہ گا وجے پور مانہہ اک پر جوش تقریب گو انعقاد کیو گیو اس پروگرام گو انعقاد پے بیک ٹی سوسائٹی گا رجاکاران نے کہیو جس مانہہ تمام عمر گا مردان تے عورتان نے حصو لے گے قومی جھنڈی تے نعرہ بلند کرگے بابا صاحب نانہہ خراج عقیدت پیش کیو۔ اس موقع ور پے بیک ٹی سوسائٹی گا ممبر دیپک کمار نے بولتان وان اس طرح کہیو۔

SHAH LAWS

وزیر داخلہ امت شاہ نے کہی وکہ ترے نوا فوجداری قوانین ۱۲ ویں صدی غی سب تیں بڑی اصلاحات ہیں تے حکومت انصاف غا نظام نانہہ عوام دوست تے سائنسی بنان غی کوشش کر رہی ہے۔ ج نوئی دہلی مانہہ آل انڈیا فارانسیک سائنس سمسٹ تین خطاب کرتا وان جناب شاہ نے کہی وکہ حکومت یوہ یقینی بنان ور کم کر رہی ہے جے انصاف غا طلب گاران نانہہ بروقت تے تسلی بکش انصاف لبے۔ اُنہاں نے کہ وکہ فارنسیک سائنس ملک گ افوجداری نظام نانہہ مضبوط بنان مانہہ مدد گار ثابت وے غو جناب شاہ نے مزید کہیو کہ اس غو اصل مقصد ایک محفوظ تے قابل بھارت باننو ہے اُنہاں نے کہیو اگر ہم نانہہ بروقت انصاف فراہم کرنو ہے تے سزا غی شرح بدھانی ہے تے یاہ فارنسیک سائنس غے بغیر ممکن نہیں ہے۔ وزیر داخلہ نے مزید کہی وکہ مودی حکومت منشیات غی بدت نانہہ روکن واسطے سختی تیں کم کر رہی ہے۔ ایک سماجی میڈیا پوسٹ ور جناب شاہ نے دسیو کہ ملک غی ایجنسیاں نے بین الاقوامی سمندری سرحد غے قریب ۰۰۳ کل وگرام منشیات ضبط کی ہیں خط کی ہے جس غی مالیت ۰۰۸۱ کروڑ روپیہ ہے اُنہاں نے کہی وکہ سمندر مانہہ بون آلی یاہ کاروائی حکومت غا منشیات غا خاتمہ غی موثر حکومت عملی غی ایک کامیاب مثال ہے۔

RUSSIA INDIA

روس نے ایک بار پھر اقوام متحدہ غی سلامتی کونسل مانہ بھارت غی مستقل نشست واسطے حمایت گو اظہار کیو ہے تے امید ظاہر کی ہے جے آن آلا براں مانہ دوئے ممالک غے بشکار شراکت داری مزید مضبوط ہوتی جے غی ۸۷ ویں سفارتی تعلقات غ اموقع ور روس غی وزارت خارجہ نے ٹیلی گرام ور ایک پیغام مانہ بھارت نانہ مبارک باد دتی روس نے بھارت غے نال دوستانہ تعلقات غی تیزی نال ترقی ور مزید مضبوط شراکت داری غا عزم گو اعدو کیو ہے۔ بیان مانہ کہیو گیو ہے کہ دوئے ممالک غے بشکار سیاسی گل بات مضبوط ہے تے اعلیٰ سطحی ملاقاتیں باقاعدگی غے نال ویں جن مانہ ۲۰۲ مانہ وزیر اعظم نریندر مودی تے روسی صدر ولادمیر پوتن غے بشکار دو سربراہی ملقات وی شامل ہیں۔

DRONE

بھارت نے پہلی واری یاہ صالحیت دسی ہے جے ہُن فکسڈ ونگ طیارہ میزائل تے ڈرون غا جھنڈ نانہ ۰۳ کلو واٹ لیزر ہتھیار تیں مار گرا سکے۔ یوہ مظاہرو ڈی آر ڈی او گا ادارہ چیس بیدرا باد نے آندھرا پردیش گ اکرنول مانہ کیو اس کامیاب آزمائش تیں بعد بھارت اُن چند ممالک غی فہرست مانہ شاملہو گیو ہے جن مانہ امریکہ چین تے روس شامل ہیں۔ ڈی آر ڈی او نے بغیر پائیلٹ غے اس لیزر ہتھیار تیں ڈرون نانہ کامیابی تیں تباہ کیو تے اُن گا سینسر نانہ ناکارہ بنادو محکمہ دفاعی تھقیق وترقی غا سیکرٹری تے ڈی آر ڈی او غا چنیر مین داکٹر سمیر وی کامت نے کہیو کہ یاہ سفر غی شروعات ہے تے وہ پُر امید ہیں کہ جلد بھارت بھارت مزید جدید ٹیکنالوجی مانہ اپنی صلاحیت دسے غو۔

OP CHATROO

کشتواڑ گا چھاترو جنگلاتی علاقہ مانہ کاروائی اج چتھے تہاڑے وی جاری ہے اطلاع غے مطابق گزشتہ رات علاقہ مانہ کُجھ دھماکاں تے فائرنگ گی آواز سُنن مانہ آئی ہے ہُن توڑی حفاظتی دستاں نے ۶ دہشت گرداں نانہ مار مکایو ہے جن غا قبضہ تیں ایم ۴ اے کت سنٹالی تے دیگر ہتھار برآمد ہو اہیں۔ جموں کشمیر مانہ حزب اختلاف گا لیڈر سُنیل شرما نے حفاظتی دستاں غی پیشہ وارانہ کارکردگی تے کامیابی غی تعارف کی تے امید ظاہر کی کہ جموں کشمیر مانہ موجود تمام دہشت گرداں گو جلد خاتمو وے گو۔

EX SERVICEMAN STRAWBERRY

اعلیٰ قسم کی باغبانی کا فروغ گیخاطر مرکزی سرکاری کی طرفوں چلائی جان آلی اسکیم گے تحت ضلع ریاسی گا ڈیرہ گراں گا بسنیک سابق فوجی جتندر سنگھ نے ستابری گی کاشتکاری گو نووں موقعو تلاش کیو ہے جتندر سنگھ سرکار کی مدد تے تکنیکی مدد نانہ بروے کار لیا گے ستابری کوفارم قائم کیو ہے ان گا اس کامیاب منصوبہ سنگ نہ صرف ان کی مالی صورتحال بہتر ہوئی ہے بلکہ ان گے آس پاس گالکواں نانہ وی اک نویں راہ لبی ہے یاد رہ جے ان کی اس کامیابی ور جلع انتظامیہ نے وی ان کی سراہنا کی ہے تے انتظامیہ ایسا منسوبان کی طویل مدت تک کامیابی نانہ یقینی بنان کی خاطر ضروری تربیت سب سڈی تے مارکیٹنگ سنگ جپڑن گا موقع فراہم کراوے اس بارے بولتاں کسان جتندر سنگھ نے اس طرح کہیو۔
